

Na osnovu člana 7. i 29. Zakona o Vladi Tuzlanskog kantona ("Službene novine Tuzlanskog kantona" broj 17/00, 1/05, 1/06, 13/11 i 15/17), a u vezi sa članom 78. Zakona o sportu ("Službene novine Tuzlanskog kantona" broj 8/10, 8/13 i 6/18), Vlada Tuzlanskog kantona, na sjednici održanoj dana 28.07.2020. godine, d o n o s i

O D L U K U

o uslovima i kriterijima za dodjelu nagrade i stipendije u sportu Tuzlanskog kantona

I - OSNOVNE ODREDBE

Član 1.

(Predmet)

Ovom Odlukom utvrđuju se uslovi i kriteriji za dodjelu nagrade i stipendije u sportu Tuzlanskog kantona (u daljem tekstu: Kanton), osobe kojima se dodjeljuju nagrade i stipendije, sportski rezultati za koje se dodjeljuju nagrade i stipendije, te definiše postupak, način dodjeljivanja i iznos nagrada i stipendija za ostvarene sportske rezultate, sa ciljem da podsticajno i selektivno utiču na razvoj sporta i sportskih dostignuća na području Kantona.

Član 2.

(Definisanje pojmova)

- (1) Pojmovi korišteni u ovoj Odluci imaju sljedeće značenje:
 - a) Sportista je aktivni član sportske organizacije koji je registrovan u skladu sa pravilima određene grane sporta.
 - b) Sportista-učenik u smislu ove Odluke je učenik u nekoj od školskih ustanova na području Kantona (u daljem tekstu: školska ustanova), koji je kao član školske sportske ekipe u kolektivnim sportovima ili predstavnik u pojedinačnim sportovima škole u kojoj pohađa nastavu nastupao na nekom od zvaničnih školskih sportskih takmičenja čije su završnice organizovane na nivou Kantona i na nivou Federacije Bosne i Hercegovine.
 - c) Pod sportskom organizacijom podrazumijeva se: sportski klub, sportsko društvo i sportski savez.
 - d) Kolektivnim/ekipnim sportovima smatraju se olimpijski/paraolimpijski sportovi nogomet/fudbal, košarka, rukomet, odbojka, hokej, ragbi, vaterpolo, sjedeća odbojka, košarka u kolicima, fudbal sa 5 i 7 igrača, golbal i ostali olimpijski/paraolimpijski sportovi.
 - e) Individualnim/pojedinačnim sportovima, smatraju se olimpijski ili paraolimpijski sportovi odnosno sportovi pridruženi Međunarodnom olimpijskom i paraolimpijskom komitetu čije su krovne asocijacije članice Međunarodne sportske federacije – SportAccord – GAISF.
 - f) Sportovima specijalne olimpijade smatraju se akreditovani sportovi specijalne olimpijade.
 - g) Vrhunskim sportskim rezultatima smatraju se osvojene medalje na zvaničnim evropskim, svjetskim, olimpijskim/paraolimpijskim takmičenjima u kolektivnim ili individualnim sportovima u seniorskoj kategoriji.
 - h) Zapaženim sportskim rezultatima smatraju se rezultati u seniorskoj i juniorskoj kategoriji i kategoriji mlađi seniori kako slijedi:
 - 1) učešće na zvaničnim evropskim, svjetskim, olimpijskim/paraolimpijskim takmičenjima u kolektivnim ili individualnim sportovima u seniorskoj kategoriji, kategoriji mlađi seniori i juniorskoj kategoriji,
 - 2) osvojene medalje na zvaničnim evropskim, svjetskim, olimpijskim/paraolimpijskim takmičenjima u kolektivnim ili individualnim sportovima u kategoriji mlađi seniori i juniorskoj kategoriji,
 - 3) plasman u polufinale ili finale na takmičenjima u kolektivnim sportovima, odnosno osvojeno prvo, drugo ili treće mjesto na takmičenjima u individualnim sportovima, potvrđenim na državnom ili međunarodnom nivou.

- i) Perspektivnim sportskim rezultatima smatra se plasman u finale na takmičenjima u kolektivnim sportovima, odnosno osvojeno prvo, drugo i treće mjesto na takmičenjima u individualnim sportovima, potvrđenim na državnom ili međunarodnom nivou, u kadetskoj kategoriji.
 - j) Školskim sportskim rezultatima smatra se osvojeno prvo mjesto na zvaničnom školskom takmičenju osnovnih i srednjih škola organiziranom na nivou Kantona i kantona i na nivou Federacije BiH u kolektivnim i individualnim sportovima.
 - k) Sportskim rezultatima specijalne olimpijade smatraju se osvojene medalje sa zvaničnih olimpijskih igara, svjetskih i evropskih prvenstava specijalne olimpijade.
- (2) Izrazi koji se koriste za fizička lica, a koji su u ovoj Odluci naznačeni u muškom rodu su neutralni i odnose se na oba spola.

Član 3.

(Zadovoljenje javnog interesa)

- (1) Predviđena podrška se temelji na zadovoljenju javnog interesa u sportu propisanog Zakonom o sportu („Službene novine Tuzlanskog kantona“ broj: 8/10, 8/13 i 6/18) i drugim podzakonskim aktima.
- (2) U tom smislu javni interes i cilj Kantona predstavljaju:
 - a) ostvareni vrhunski sportski rezultati u cilju podsticanja i afirmisanja sporta i njegovih vrijednosti kao dijela kulture i ukupnih materijalnih i duhovnih vrijednosti društva,
 - b) ostvareni zapaženi sportski rezultati u cilju sistemskog stvaranja uslova za ostvarivanje vrhunskih sportskih rezultata,
 - c) podsticanje i afirmisanje školskog sporta i njegovih vrijednosti u cilju doprinosa vaspitanju, obrazovanju i razvoju djece i omladine, ali i afirmaciji sportskog podmlatka,
 - d) objektivizirani kriteriji vrednovanja posrednih efekata sporta koji proizilaze iz ostvarenih rezultata,
 - e) vrednovanje vrhunskog sportskog rezultata koje samo po sebi predstavlja društvenu vrijednost,
 - f) razvijanje svijesti građana, posebno mladih i osoba sa invaliditetom o sportu i njegovim vrijednostima.

II – USLOVI ZA DODJELU NAGRADE I STIPENDIJE

Član 4.

(Pravo i uslovi za dodjelu nagrade)

- (1) Nagrade se dodjeljuju u obliku novčane nagrade i zahvalnice.
- (2) Pravo na dodjelu nagrade ima sportista koji je ostvario vrhunski sportski rezultat.
- (3) Sportista mora ispunjavati sljedeće opće uslove za dodjelu nagrade:
 - a) da je državljanin Bosne i Hercegovine,
 - b) da ima mjesto prebivališta na području Kantona,
 - c) da je član reprezentacije Bosne i Hercegovine,
 - d) da je aktivni član sportske organizacije i registrovan u skladu sa pravilima određene grane sporta,
- (4) Pravo na dodjelu nagrade nemaju:
 - a) lica koja u okviru sportske organizacije obavljaju funkciju trenera ili drugog stručnog lica,
 - b) lica kojima je izrečena pravosnažna mjera zabrane takmičenja od strane evropske i svjetske sportske federacije,
 - c) lica kojima je izrečena pravosnažna kazna zbog kršenja antidoping pravila.

Član 5.

(Pravo i uslovi za dodjelu stipendije)

- (1) Stipendije se dodjeljuju u novčanom obliku,
- (2) Pravo na dodjelu stipendije ima:
 - a) sportista koji je ostvario zapažene ili perspektivne sportske rezultate ili sportske rezultate specijalne olimpijade,
 - b) sportista- učenik.

- (3) Sportista ili sportista-učenik mora ispunjavati sljedeće opće uslove za dodjelu stipendije:
 - a) da je državljanin Bosne i Hercegovine,
 - b) da ima mjesto prebivališta na području Kantona,
 - c) da je član reprezentacije Bosne i Hercegovine, da je aktivni član sportske organizacije i registrovan u skladu sa pravilima određene grane sporta, te da je u takmičarskoj sezoni koja se vrednuje u kolektivnim, individualnim sportovima i sportovima specijalne olimpijade ostvario zapažene, perspektivne ili sportske rezultate specijalne olimpijade,
 - d) da je u školskoj godini koja se vrednuje bio učenik u nekoj od školskih ustanova na području Kantona, te da je u istoj školskoj godini, ostvario školske sportske rezultate i ostvario školski uspjeh najmanje „vrlodobar“.
- (4) Uslovi iz stava (3) ovog člana primjenjuju se u zavisnosti od toga da li se radi o sportisti ili sportisti - učeniku.
- (5) Pravo na dodjelu stipendije nemaju:
 - a) lica koja se takmiče u kategoriji mlađoj od 14 godina, osim ako se radi o sportisti-učeniku,
 - b) lica koja u okviru sportske organizacije obavljaju funkciju trenera ili drugog stručnog lica,
 - c) lica koja imaju potpisan profesionalni ugovor sa određenom sportskom organizacijom,
 - d) lica kojima je izrečena pravosnažna mjera zabrane takmičenja od strane evropske i svjetske sportske federacije,
 - e) lica kojima je izrečena pravosnažna kazna zbog kršenja antidoping pravila.
- (6) Lica koja budu dostavila neistinite podatke o ostvarenim rezultatima neće imati pravo da podnose zahtjeve za dodjelu nagrada i stipendija četiri godine od dana kada se utvrdi da dostavljeni rezultat nije istinit i biće im utvrđena obaveza vraćanja dodijeljenih sredstava.

III – VREDNOVANJE OSTVARENOG REZULTATA

Član 6.

(Kriteriji za dodjelu nagrade)

Kriteriji za dodjelu nagrade za sportiste su:

- a) osvojene medalje na olimpijskim ili paraolimpijskim igrama,
- b) osvojene medalje sa zvaničnog svjetskog ili evropskog seniorskog prvenstva u olimpijskim ili paraolimpijskim sportovima, odnosno sportovima pridruženim Međunarodnom olimpijskom i paraolimpijskom komitetu čije su krovne asocijacije članice Međunarodne sportske federacije – SportAccord – GAISF.

Član 7.

(Kriteriji za dodjelu stipendije)

- (1) Kriteriji za bodovanje i rangiranje za dodjelu stipendije za sportistu su:
 - a) učešće na olimpijskim ili paraolimpijskim igrama,
 - b) učešće na zvaničnim svjetskim ili evropskim seniorskim i juniorskim prvenstvima u olimpijskim ili paraolimpijskim sportovima, odnosno sportovima pridruženim Međunarodnom olimpijskom i paraolimpijskom komitetu čije su krovne asocijacije članice Međunarodne sportske federacije – SportAccord – GAISF,
 - c) osvojene medalje sa zvaničnog svjetskog ili evropskog prvenstva u kategoriji mladi seniori, juniori i kadeti u olimpijskim ili paraolimpijskim sportovima, odnosno sportovima pridruženim Međunarodnom olimpijskom i paraolimpijskom komitetu čije su krovne asocijacije članice Međunarodne sportske federacije – SportAccord – GAISF,
 - d) osvojene medalje na zvaničnim mediteranskim igrama,
 - e) osvojene medalje na zvaničnim balkanskim prvenstvima u seniorskoj i juniorskoj kategoriji,
 - f) ostvareni zapaženi ili perspektivni sportski rezultati u kolektivnim sportovima na zvaničnim državnim takmičenjima (najviši rang), organiziranim od strane nacionalnih

granskih sportskih saveza (prvenstvo ili KUP BiH) i članstvo u selekciji Bosne i Hercegovine u periodu ostvarenog rezultata,

g) osvojene medalje na olimpijskim igrama, svjetskim i evropskim prvenstvima i Specijalne olimpijade.

- (2) Kriteriji za bodovanje i rangiranje za dodjelu stipendije za sportistu - učenika su:
- rezultati postignuti na školskim takmičenjima organizovanim na nivou Kantona,
 - rezultati postignuti na školskim takmičenjima organizovanim na nivou Federacije Bosne i Hercegovine.

Član 8.

(Bodovanje za dodjelu nagrade)

Bodovi po osnovu kriterija za bodovanje za dodjelu nagrade sportistima u seniorskoj kategoriji ostvaruju se na sljedeći način:

- za osvajača medalje sa Olimpijskih/Paraolimpijskih igara.....100 bodova,
- za osvajača medalje na zvaničnim svjetskim prvenstvima u olimpijskim ili paraolimpijskim sportovima.....90 bodova,
- za osvajača medalje na zvaničnim evropskim prvenstvima u olimpijskim ili paraolimpijskim sportovima.....80 bodova,
- za osvajača medalje sa svjetskog prvenstva u sportovima pridruženim Međunarodnom olimpijskom i paraolimpijskom komitetu čije su krovne asocijacije članice Međunarodne sportske federacije – SportAccord – GAISF.....70 bodova,
- za osvajača medalje sa evropskog prvenstva u sportovima pridruženim Međunarodnom olimpijskom i paraolimpijskom komitetu čije su krovne asocijacije članice Međunarodne sportske federacije – SportAccord - GAISF.....60 bodova.

Član 9.

(Bodovanje za dodjelu stipendije sportisti)

- (1) Bodovi po osnovu kriterija za bodovanje za dodjelu stipendije sportisti u seniorskoj kategoriji ostvaruju se na sljedeći način:

- za učesnika na Olimpijskim ili Paraolimpijskim igrama.....100 bodova,
- za učesnika na zvaničnim svjetskim ili evropskim prvenstvima u olimpijskim ili paraolimpijskim sportovima.....90 bodova,
- za učesnika na svjetskim ili evropskim prvenstvima u sportovima pridruženim Međunarodnom olimpijskom i paraolimpijskom komitetu čije su krovne asocijacije članice Međunarodne sportske federacije–SportAccord – GAISF.....80 bodova,
- za osvajača medalje sa zvaničnih mediteranskih igara.....70 bodova,
- za člana sportske organizacije koji je u kolektivnim sportovima ostvario zapažene sportske rezultate na zvaničnim državnim takmičenjima (najviši rang), organizovanim od strane nacionalnih granskih sportskih saveza (prvenstvo ili KUP BiH) i koji su članovi u skladu sa postignutim rezultatima sportske organizacije ujedno bili i članovi selekcije Bosne i Hercegovine u periodu ostvarenog rezultata.....60 bodova,
- za osvajača medalje sa zvaničnih balkanskih prvenstava.....50 bodova.

- (2) Bodovi po osnovu kriterija za bodovanje za dodjelu stipendije sportisti u kategoriji mlađi seniori i juniorskoj kategoriji ostvaruju se na sljedeći način:

- za osvajača medalje sa zvaničnog svjetskog ili evropskog prvenstva u olimpijskim ili paraolimpijskim sportovima.....50 bodova,
- za osvajača medalje sa svjetskog ili evropskog prvenstva u sportovima pridruženim Međunarodnom olimpijskom i paraolimpijskom komitetu čije su krovne asocijacije članice Međunarodne sportske federacije–SportAccord - GAISF.....40 bodova,
- za učesnika na zvaničnim svjetskim ili evropskim prvenstvima u olimpijskim ili paraolimpijskim sportovima.....35 bodova,
- za učesnika na svjetskim ili evropskim prvenstvima u sportovima pridruženim Međunarodnom olimpijskom i paraolimpijskom komitetu čije su krovne asocijacije članice Međunarodne sportske federacije–SportAccord – GAISF.....30 bodova,
- za člana sportske organizacije koji je u kolektivnim sportovima ostvario zapažene sportske rezultate na zvaničnim državnim takmičenjima (najviši rang), organizovanim od strane nacionalnih granskih sportskih saveza (prvenstvo ili KUP BiH) i koji su

- članovi u skladu sa postignutim rezultatima sportske organizacije ujedno bili i članovi selekcije Bosne i Hercegovine u periodu ostvarenog rezultata.....30 bodova.
- f) za osvajača medalje sa zvaničnih mediteranskih igara ili balkanskih prvenstava.....25 bodova.
- (3) Bodovi po osnovu kriterija za bodovanje za dodjelu stipendije sportisti u kadetskoj kategoriji:
- a) za osvajača medalje sa zvaničnog svjetskog ili evropskog prvenstva u olimpijskim ili paraolimpijskim sportovima.....30 bodova.
- b) za osvajača medalje sa svjetskog ili evropskog prvenstva u sportovima pridruženim Međunarodnom olimpijskom i paraolimpijskom komitetu čije su krovne asocijacije članice Međunarodne sportske federacije-SportAccord - GAISF.....25 bodova.
- c) za člana sportske organizacije koji je u kolektivnim sportovima ostvario perspektivne sportske rezultate na zvaničnim državnim takmičenjima (najviši rang), organizovanim od strane nacionalnih granskih sportskih saveza (prvenstvo ili KUP BiH) i koji su članovi u skladu sa postignutim rezultatima sportske organizacije ujedno bili i članovi selekcije Bosne i Hercegovine u periodu ostvarenog rezultata.....20 bodova
- (4) Bodovi po osnovu kriterija za bodovanje za dodjelu stipendije sportistima Specijalne olimpijade
- a) za osvajača medalja na olimpijskim igrama, svjetskom ili evropskom prvenstvu Specijalne olimpijade.....20 bodova
- (5) Podnosilac prijave može ostvariti bodove samo po jednom od osnova iz ovog člana.

Član 10.

(Bodovanje za dodjelu stipendije sportisti – učeniku)

- (1) Bodovi po osnovu kriterija za bodovanje za dodjelu stipendije sportisti - učeniku ostvaruju se na sljedeći način:
- a) za osvojeno prvo mjesto na zvaničnom školskom takmičenju organiziranom na nivou Kantona za učenike osnovnih škola (Male olimpijske igre Tuzlanskog kantona).....5 bodova,
- b) za osvojeno prvo mjesto na zvaničnom školskom takmičenju organiziranom na nivou Kantona za učenike srednjih škola (Male olimpijske igre Tuzlanskog kantona).....10 bodova,
- c) za osvojeno prvo mjesto na zvaničnom školskom takmičenju organiziranom na nivou Federacije Bosne i Hercegovine.....15 bodova.
- (2) Podnosilac prijave može ostvariti bodove samo po jednom od osnova iz stava (1) ovog člana.

Član 11.

(Iznosi nagrade)

- (1) Novčane nagrade dodjeljuju se u jednokratnom ukupnom iznosu kako slijedi:
- a) Sportista koji na osnovu bodovanja dobije 100 bodova ostvaruje pravo na nagradu do 10.000,00 KM,
- b) Sportista koji na osnovu bodovanja dobije 90 bodova ostvaruje pravo na nagradu do 8.000,00 KM,
- c) Sportista koji na osnovu bodovanja dobije 80 bodova ostvaruje pravo na nagradu do 7.000,00 KM,
- d) Sportista koji na osnovu bodovanja dobije 70 bodova ostvaruje pravo na nagradu do 5.000,00 KM,
- e) Sportista koji na osnovu bodovanja dobije 60 bodova ostvaruje pravo na nagradu do 4.000,00 KM.
- (2) U slučaju da se iznos po jednom od osnova iz stava (1) ovog člana dodijeli u iznosu manjem od maksimalno navedenog, srazmjerno se smanjuju i ostali iznosi za dodjele nagrada u zavisnosti od ostvarenih bodova.
- (3) Sportisti koji je ostvario manji broj bodova ne može se dodijeliti veći iznos sredstava od iznosa predviđenog sportisti koji je ostvario veći broj bodova.

Član 12.

(Iznosi stipendije za sportistu)

- (1) Stipendije se dodjeljuju u jednokratnom ukupnom iznosu za sportistu kako slijedi:
 - a) Sportista koji na osnovu bodovanja dobije 100 bodova ostvaruje pravo na stipendiju do 400,00 KM mjesečno,
 - b) Sportista koji na osnovu bodovanja dobije 90 bodova ostvaruje pravo na stipendiju do 350,00 KM mjesečno,
 - c) Sportista koji na osnovu bodovanja dobije 80 bodova ostvaruje pravo na stipendiju do 300,00 KM mjesečno,
 - d) Sportista koji na osnovu bodovanja dobije 70 bodova ostvaruje pravo na stipendiju do 280,00 KM mjesečno,
 - e) Sportista koji na osnovu bodovanja dobije 60 bodova ostvaruje pravo na stipendiju do 250,00 KM mjesečno,
 - f) Sportista koji na osnovu bodovanja dobije 50 bodova ostvaruje pravo na stipendiju do 200,00 KM mjesečno,
 - g) Sportista koji na osnovu bodovanja dobije 40 bodova ostvaruje pravo na stipendiju do 180,00 KM mjesečno,
 - h) Sportista koji na osnovu bodovanja dobije 35 bodova ostvaruje pravo na stipendiju do 150,00 KM mjesečno,
 - i) Sportista koji na osnovu bodovanja dobije 30 bodova ostvaruje pravo na stipendiju do 120,00 KM mjesečno,
 - j) Sportista koji na osnovu bodovanja dobije 25 bodova ostvaruje pravo na stipendiju do 100,00 KM mjesečno,
 - k) Sportista koji na osnovu bodovanja dobije 20 bodova ostvaruje pravo na stipendiju do 50,00 KM mjesečno.
- (2) U slučaju da se iznos po jednom od osnova iz stava (1) ovog člana dodijeli u iznosu manjem od maksimalno navedenog, srazmjerno se smanjuju i ostali iznosi za dodjele nagrada u zavisnosti od ostvarenih bodova.
- (3) Sportisti koji je ostvario manji broj bodova ne može se dodijeliti veći iznos sredstava od iznosa predviđenog sportisti koji je ostvario veći broj bodova.

Član 13.

(Iznosi stipendije za sportistu-učenika)

Stipendije se dodjeljuju u jednokratnom ukupnom iznosu za sportistu-učenika kako slijedi:

- a) Sportista-učenik koji na osnovu bodovanja dobije 5 bodova ostvaruje pravo na jednokratnu stipendiju u iznosu od 100,00 KM,
- b) Sportista-učenik koji na osnovu bodovanja dobije 10 bodova ostvaruje pravo na jednokratnu stipendiju u iznosu od 150,00 KM,
- c) Sportista-učenik koji na osnovu bodovanja dobije 15 bodova ostvaruje pravo na jednokratnu stipendiju od 200,00 KM.

IV – PRIJAVLJIVANJE I NAČIN DODJELE SREDSTAVA

Član 14.

(Način prijavljivanja za dodjelu nagrade)

- (1) Novčane nagrade se dodjeljuju na osnovu zahtjeva sportiste ili sportske organizacije na način utvrđen ovom Odlukom iz sredstava utvrđenih u Budžetu Kantona, u razdjelu Ministarstva za kulturu, sport i mlade (u daljem tekstu: Ministarstvo).
- (2) Nedostajuća finansijska sredstva, u slučaju osvajanja medalja za dodjelu nagrade, obezbjediti će se unutrašnjom preraspodjelom ili će se doznačiti iz sredstava tekuće rezerve.
- (3) Zahtjev za dodjelu nagrade za vrhunske sportske rezultate može podnijeti sportista/zakonski zastupnik ili sportska organizacija. Zahtjev sadrži osnovne podatke o sportisti, podatke o ostvarenom rezultatu i potpis podnosioca zahtjeva, uz koji se obavezno dostavlja dokumentacija navedena u članu 16. stav (1) ove Odluke.
- (4) Zahtjevi se podnose Ministarstvu u roku od 30 dana od dana završetka takmičenja.

- (5) Ministarstvo će u roku od 15 dana od dana prijema zahtjeva utvrditi da li su ispunjeni opći uslovi i kriteriji za dodjelu nagrade iz članova 4. i 6. ove Odluke, i izvršiti će bodovanje.
- (6) Odluku o dodjeli nagrade donosi Vlada Tuzlanskog kantona (u daljem tekstu: Vlada Kantona), na prijedlog Ministarstva.
- (7) Izuzetno, Ministarstvo može podnijeti Vladi Kantona prijedlog za dodjelu nagrada za ostale ostvarene vrhunske rezultate.
- (8) Ministarstvo je obavezno izraditi zahvalnice i voditi evidenciju o dodijeljenim nagradama.

Član 15.

(Način prijavljivanja za dodjelu stipendije)

- (1) Stipendije se dodjeljuju na način utvrđen ovom Odlukom iz sredstava utvrđenih u Budžetu Kantona, u razdjelu Ministarstva.
- (2) U slučaju nedostatka sredstava u Budžetu Kantona ista je moguće obezbjediti unutrašnjom preraspodjelom. Ukoliko ne bude moguće na taj način obezbjediti nedostajuća sredstva obustavlja se realizacija dodjele sredstava u potpunosti ili djelimično, srazmjerno nedostajućim sredstvima.
- (3) Odabir korisnika za dodjelu stipendija sportistima i sportistima-učenicima vrši Ministarstvo putem Javnog poziva za dodjelu sportskih stipendija (u daljem tekstu: Javni poziv).
- (4) Javni poziv se objavljuje u jednom dnevnom listu i web stranicama Ministarstva i Vlade Kantona.
- (5) Podnosilac prijave za dodjelu stipendije sportisti i sportisti-učeniku može biti sportista, zakonski zastupnik ako se radi o maloljetnoj osobi, matična sportska organizacija sportiste u čije ime se podnosi prijava ili školska ustanova u koju sportista - učenik ide.
- (6) Prijava se podnosi na „Prijavnom obrascu za dodjelu sportskih stipendija“ ili „Prijavnom obrascu za dodjelu stipendija sportistima -- učenicima“ koji su sastavni dio ove Odluke i uz koji se obavezno dostavlja dokumentacija navedena u članu 16. stav (2) i (3) ove Odluke.
- (7) Postupak po Javnom pozivu provodi Komisija za dodjelu sportskih stipendija (u daljem tekstu: Komisija) koju imenuje Ministarstvo posebno za svaki Javni poziv. Komisiju čini 5 članova, predstavnika Ministarstva i članova iz reda istaknutih sportista, sportskih radnika i sportskih stručnjaka.
- (8) Komisija o svom radu sačinjava zapisnik koji sadrži tabelarni prijedlog odabranih aplikanata za dodjelu stipendija sportistima i tabelarni prijedlog odabranih aplikanata za dodjelu stipendija sportistima-učenicima, utvrđene iznose i namjene sredstava po Javnom pozivu.
- (9) Na osnovu prijedloga Komisije Ministarstvo donosi odluku o odobravanju finansijskih sredstava za sportske stipendije, na koju saglasnost daje Vlada Kantona.
- (10) Rezultati Javnog poziva biti će objavljeni na web stranicama Ministarstva i Vlade Kantona.

Član 16.

(Potrebna dokumentacija)

- (1) Potrebna dokumentacija za dodjelu nagrade sportisti je kako slijedi:
 - a) Potpisana biografija od strane sportiste,
 - b) Uvjerenje o državljanstvu ne starije od tri mjeseca (original ili ovjerena kopija) ili ovjerena kopija važeće lične karte,
 - c) CIPS obrazac PBA3 ne stariji od 30 dana (original ili ovjerena kopija),
 - d) Izjava da se na sportistu ne odnosi član 4., stav (4) ove Odluke (potpisana od strane sportiste/zakonskog zastupnika),
 - e) Potvrda nadležnog sportskog saveza koja sadrži podatke da je sportista za dodjelu nagrade aktivni član sportske organizacije i da je registrovan u skladu sa pravilima određene grane sporta (potpisana od strane ovlaštenog lica i ovjerena pečatom nadležnog sportskog saveza),

- f) Dokazi o ostvarenim sportskim rezultatima, sa potvrdom nadležnog sportskog saveza (potpisana od strane ovlaštenog lica i ovjerena pečatom nadležnog sportskog saveza).
- (2) Potrebna dokumentacija za dodjelu stipendija sportistima koja se dostavlja prilikom prijave na Javni poziv za dodjelu sportskih stipendija je kako slijedi:
- Uvjerenje o državljanstvu ne starije od tri mjeseca (original ili ovjerena kopija) i li ovjerenu kopiju važeće lične karte,
 - CIPS obrazac PBA3 ne stariji od 30 dana (original ili ovjerena kopija),
 - Izjava da se na sportistu ne odnosi član 5., stav (5) ove Odluke (potpisana od strane sportiste/zakonskog zastupnika),
 - Potvrda nadležnog sportskog saveza koja sadrži podatke da je sportista za dodjelu stipendije aktivni član sportske organizacije i da je registrovan u skladu sa pravilima određene grane sporta (potpisana od strane ovlaštenog lica i ovjerena pečatom nadležnog sportskog saveza),
 - Dokazi o ostvarenim sportskim rezultatima sa potvrdom nadležnog sportskog saveza koja sadrži podatke kojim se dokazuje ispunjavanje kriterija za dodjelu stipendije sportisti (potpisana od strane ovlaštenog lica i ovjerena pečatom nadležnog sportskog saveza).
- (3) Potrebna dokumentacija za dodjelu stipendija sportistima-učenicima koja se dostavlja prilikom prijave na Javni poziv za dodjelu sportskih stipendija je kako slijedi:
- CIPS obrazac PBA3 ne stariji od 30 dana (original ili ovjerena kopija),
 - Originalna potvrda školske ustanove iz koje se vidi da je učenik koji se prijavljuje za dodjelu stipendije sportisti-učeniku bio učenik školske ustanove u godini koja se vrednuje, te da je u navedenom periodu bio član školske sportske ekipe u kolektivnim sportovima ili predstavnik u pojedinačnim sportovima škole u kojoj pohađa nastavu, da je osvojio prvo mjesto na školskom takmičenju koje se vrednuje i da je ostvario najmanje vrlo dobar uspjeh (uz potvrdu se dostavlja i kopija dačke knjižice ili svjedočanstvo o ostvarenom uspjehu u školskoj godini koja se vrednuje).

Član 17.

(Spisak učenika)


Ministarstvo se obavezuje da od nadležnog sportskog saveza pribavi spisak učesnika koji su osvojili prva mjesta na školskim takmičenjima koja se vrednuju, a što će služiti kao dokaz ostvarenog rezultata sportiste-učenika.

Član 18.

(Stupanje na snagu Odluke)

Ova Odluka stupa na snagu narednog dana od dana objavljivanja u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A



PREMIJER KANTONA
Denijal Tulumović
Prof. dr. Denijal Tulumović

Broj: 02/1- 36 - 12188 - 2 / 20
Tuzla, 28.07.2020. godine

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
Ministarstvo za kulturu, sport i mlade



БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ТУЗЛАНСКИ КАНТОН
Министарство за културу, спорт и младе

BOSNIA AND HERZEGOVINA
FEDERATION OF BOSNIA AND HERZEGOVINA
TUZLA CANTON
Ministry of Culture, Sports and Youth

Tuzla, Rudarska br. 65., tel.: ++387 35 369-352 fax.: ++387 35 369-437 e-mail: mksm@tk.kim.ba

PRIJAVNI OBRAZAC
za dodjelu sportskih stipendija

Ime i prezime	
Jedinstveni matični broj	
Datum, mjesto i država rođenja	
Adresa prebivališta, poštanski broj i mjesto	
Naziv banke-filijale u kojoj je otvoren transakcijski račun i adresa	
Broj transakcijskog računa podnosioca prijave	
Telefon/fax/email	
Naziv sportske organizacije u kojoj je sportista registrovan kao aktivni član	

Postignuti rezultati:	<input type="checkbox"/> učešće na olimpijskim ili paraolimpijskim igrama <i>Specificirati sport i olimpijske ili paraolimpijske igre</i> _____ _____ _____
	<input type="checkbox"/> učešće na zvaničnim svjetskim ili evropskim seniorskim i juniorskim prvenstvima u olimpijskim ili paraolimpijskim sportovima, odnosno sportovima pridruženim Međunarodnom olimpijskom i paraolimpijskom komitetu čije su krovne asocijacije članice Međunarodne sportske federacije – SportAccord - GAISF <i>Specificirati sport, kategoriju(seniori, mlađi seniori ili juniori) i prvenstvo</i> _____ _____ _____

osvojene medalje sa zvaničnog svjetskog ili evropskog prvenstva u kategoriji mlađi seniori, juniori i kadeti u olimpijskim ili paraolimpijskim sportovima, odnosno sportovima pridruženim Međunarodnom olimpijskom i paraolimpijskom komitetu čije su krovne asocijacije članice Međunarodne sportske federacije – SportAccord - GAISF

Specificirati sport, kategoriju (mlađi seniori, juniori ili kadeti) i prvenstvo

osvojene medalje na zvaničnim mediteranskim igrama

Specificirati sport, kategoriju (seniori, mlađi seniori i juniori) i takmičenje

osvojene medalje sa zvaničnih balkanskih prvenstava

Specificirati sport, kategoriju (seniori, mlađi seniori i juniori) i takmičenje

član sportske organizacije koji je u kolektivnim sportovima ostvario zapažene i perspektivne sportske rezultate na zvaničnim državnim takmičenjima (najviši rang), organizovanim od strane nacionalnih granskih sportskih saveza (prvenstvo ili KUP BiH) i koji su članovi u skladu sa postignutim rezultatima sportske organizacije ujedno bili i članovi selekcije Bosne i Hercegovine u periodu ostvarenog rezultata

Specificirati sport, kategoriju (seniori, mlađi seniori, juniori i kadeti) i takmičenje

osvojene medalje na olimpijskim igrama, svjetskim i evropskim prvenstvima Specijalne olimpijade

Specificirati sport, kategoriju i takmičenje

Uz prijavni obrazac, podnosilac prijave za dodjelu stipendija dostavlja (označiti znakom „x“ dokumentaciju koja se dostavlja u prilogu):

- Uvjerjenje o državljanstvu ne starije od tri mjeseca (original ili ovjerena kopija) ili ovjerenu kopiju važeće lične karte,
- CIPS obrazac PBA3 ne stariji od 30 dana (original ili ovjerena kopija),
- Izjava da se na sportistu ne odnosi član 5. stav 5. Odluke o uslovima i kriterijima za dodjelu nagrade u sportu Tuzlanskog kantona (polpisana od strane sportiste/zakonskog zastupnika),
- Potvrda nadležnog sportskog saveza koja sadrži podatke da je sportista za dodjelu stipendije aktivni član

sportske organizacije i da je registrovan u skladu sa pravilima određene grane sporta (potpisana od strane ovlaštenog lica i ovjerena pečatom nadležnog sportskog saveza),

Dokazi o ostvarenim sportskim rezultatima sa potvrdom nadležnog sportskog saveza koja sadrži podatke kojim se dokazuje ispunjavanje kriterija za dodjelu stipendije sportisti (potpisana od strane ovlaštenog lica i ovjerena pečatom nadležnog sportskog saveza).

Napomena: Podnosilac prijave obavezno popunjava rubrike Prijavnog obrasca, zaokružuje/obilježava ponuđene opcije upita, a odgovara za vjerodostojnost svih unesenih podataka. Samo ovako uneseni podaci će se koristiti prilikom vrednovanja prijave. Uneseni podaci se odnose na sportistu čiji rezultat se vrednuje.

U slučaju da prilikom popunjavanja prijavnog obrazca postoji potreba za dodatnim prostorom, korisnici koji preuzmu prijavni obrazac u elektronskoj formi redove mogu proširivati po potrebi, dok korisnici koji preuzmu prijavni obrazac u pisanoj formi, u slučaju potrebe, mogu koristiti dodatni list papira na kojem će navesti naziv podataka (prva kolona) koje dopunjava. Svaki dodatni list mora biti sa potpisom.

Podnosilac prijave za dodjelu stipendije sportisti može biti sportista, zakonski zastupnik ako se radi o maloljetnoj osobi, matična sportska organizacija sportiste u čije ime se podnosi prijava. Ukoliko je podnosilac prijave matična sportska organizacija, samo ovlašteno lice te organizacije može podnijeti prijavu uz obavezno stavljanje pečata sportske organizacije.

Ovim izjavljujem, pod materijalnom i krivičnom odgovornošću da su gore navedeni podaci istiniti što potvrđujem potpisom.

Mjesto:

Datum:

.....

(puno ime i prezime i potpis podnosioca prijave)

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
Ministarstvo za kulturu, sport i mlade



БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ТУЗЛАНСКИ КАНТОН
Министарство за културу, спорт и младе

BOSNIA AND HERZEGOVINA
FEDERATION OF BOSNIA AND HERZEGOVINA
TUZLA CANTON
Ministry of Culture, Sports and Youth

Tuzla, Rudarska br. 65., tel.: ++387 35 369-352 fax.: ++387 35 369-437 e-mail: mksm@tk.kim.ba

PRIJAVNI OBRAZAC
za dodjelu stipendija sportistima – učenicima

Ime i prezime	
Jedinstveni matični broj	
Datum, mjesto i država rođenja	
Adresa prebivališta, poštanski broj i mjesto	
Naziv banke-filijale u kojoj je otvoren transakcijski račun i adresa	
Broj transakcijskog računa podnosioca prijave	
Telefon/fax/e – mail	
Naziv školske ustanove na području Tuzlanskog kantona koju učenik pohađa	

Postignuti rezultati	<input type="checkbox"/> osvojeno prvo mjesto na zvaničnom školskom takmičenju organiziranom na nivou Tuzlanskog kantona (Male olimpijske igre Tuzlanskog kantona) <i>Specificirati sport, takmičenje i školu (osnovna ili srednja škola)</i> _____ _____ _____
	<input type="checkbox"/> osvajač prvog mjesta na zvaničnom školskom takmičenju organizovanom na nivou Federacije Bosne i Hercegovine <i>Specificirati sport, takmičenje i školu (osnovna ili srednja škola)</i> _____ _____ _____

Uz prijavni obrazac, podnosilac prijave za dodjelu stipendija dostavlja (označiti znakom „x“ dokumentaciju koja se dostavlja u prilogu):

CIPS obrazac FBA3 ne stariji od 30 dana (original ili ovjerenja kopija)

Originalnu potvrdu školske ustanove iz koje se vidi da je učenik koji se prijavljuje za dodjelu stipendije sportisti- učeniku bio učenik školske ustanove u godini koja se vrednuje, te da je u navedenom periodu bio član školske sportske ekipe u kolektivnim sportovima ili predstavnik u pojedinačnim sportovima škole u kojoj pohađa nastavu, da je osvojio prvo mjesto na školskom takmičenju koje se vrednuje i da je ostvario najmanje vrlo dobar uspjeh (uz potvrdu se dostavlja i kopija đачke knjižice ili svjedočanstvo o ostvarenom uspjehu u školskoj godini koja se vrednuje)

Napomena: Podnosilac prijave obavezno popunjava rubrike Prijavnog obrasca, zaokružuje/obilježava ponuđene opcije upita, a odgovara za vjerodostojnost svih unesenih podataka. Samo ovako uneseni podaci će se koristiti prilikom vrednovanja prijave. Uneseni podaci se odnose na sportistu-učenika čiji rezultat se vrednuje.

U slučaju da prilikom popunjavanja prijavnog obrazca postoji potreba za dodatnim prostorom, korisnici koji preuzmu prijavni obrazac u elektronskoj formi redove mogu proširivati po potrebi, dok korisnici koji preuzmu prijavni obrazac u pisanoj formi, u slučaju potrebe, mogu koristiti dodatni list papira na kojem će navesti naziv podataka (prva kolona) koje dopunjava. Svaki dodatni list mora biti sa potpisom.

Ministarstvo će od nadležnog sportskog saveza pribaviti spisak učesnika koji su osvojili prva mjesta na školskim takmičenjima koja se vrednuju, a što će služiti kao dokaz ostvarenog rezultata sportiste-učenika.

Podnosilac prijave za dodjelu stipendije sportisti- učeniku može biti sportista-učenik, zakonski zastupnik ako se radi o maloljetnoj osobi, školska ustanova u koju sportista učenik ide. Ukoliko je podnosilac prijave školska ustanova, samo ovlašteno lice te ustanove može podnijeti prijavu uz obavezno stavljanje pečata školske ustanove.

Ovim izjavljujem, pod materijalnom i krivičnom odgovornošću da su gore navedeni podaci istiniti što potvrđujem potpisom.

Mjesto:

Datum:

.....
(puno ime i prezime i potpis podnosioca prijave)